

隨

園

詩

話

隨園詩話補遺卷五

倉山居士著

如臯汪楚白之子爲隸字春田家故富饒而性愛風雅  
作部郎時曾隨 駕射箭得中二枝上喜賜以花翎出  
守思恩府平生喜讀余詩有先生宗自我推袁萬古心  
香其此源之句登獨秀峯云拔地超天起一峯當空高  
插碧芙蓉絕無依倚成孤立細繹磨厓識舊封躡級數  
登三百六羣山遙列幾千重我來頂上憑欄望萬戶炊  
烟暮靄濃遊樓霞云乘興尋秋日日來堤壺攜硯上高  
臺有官到底難捐俗畢竟斜陽暘道回厭雨云竟全惡

客驛還至却共閒愁滅復生

庚辰余就醫薛生白家遇趙君曾益談論甚洽忽忽三十餘年今年趙官湖北忽寄詩來且云故是尹文端公弟子尹三公子秉臬楚南時曾寄詩云相國江南開府日栽培桃李卅餘年祇今老去叨三釜敢忘文成割半瓊廉使愛才垂下問書生薄命負前緣囊中一卷風簾莫手澤于今尚宛然其詩一氣呵成允推老手其他佳句如小閣飛花春欲去幼時熟境夢常來茅掀屋角添虛白土缺牆頭見遠青皆妙

何蘭庭張香岩全余遊天台何有句云燈前笑向妻孥

別遇着桃花便不歸張在瑯竹贈妓云勸儂莫向天台  
去恐破桃花留住君香岩之兄月樓寄弟云故園亦有  
桃子樹莫戀天台久不回三人共用桃花事而皆有風  
趣狄小同亦有句云天台山下征人路不爲求仙也刊  
來

錢林字曇如鄉瑛沙先生之幼女也年未及笄 偶成  
云獨坐西牕下蕭蕭雨不成芭蕉三兩葉多半作秋聲  
落花云覓路乍迷三里霧含情如怨五更風皆佳句也  
曇如生時家中夢有嚴大將軍來及墜地娟好妍靜兆  
乃大奇其五兄名校者戊申孝廉生于鎮江觀察署中

是日適余到署觀察卽以我名賜之長有父風題孟廟  
云楊墨風交煽儀秦辨復騰斯文天未喪夫子道相承  
浩氣中能養微言絕更與齊梁無地主周孔有雲仍功  
業尊同禹經綸小試滕介應班柳下醇自過蘭陵七國  
知矜式千秋肅豆登秩宗祀典廟貌仰觚稜畫壁前  
朝古壘碑歷代增巖巖泰山色相對各峻嶒又無題云  
蕩漾愁心已倦排明明月又入空齋寄將眼淚惟清筆  
付與針箱有舊釵腸到九迴偏未斷入難再得始爲佳  
無端十一年間事次第隨風入酒懷

吳興幼女嚴靜甫九齡善書兼工墨竹莆田吳荔娘題

云彌閑逸郡墨妙事開簾燦麝動芳馨脩牕書破洪兜  
紙誰識金鑿未十齡琅玕嫋嫋影縱橫千尺寒梢一筆  
成我看丹青先比較此君風韻却輸卿賦茗才華總角  
年揮毫風致自翩翩他時理棹若溪上好結香閨翰墨  
緣茲娘年亦十有四

余中年以後遇妓席無歡人疑遁入理學而不知看花  
當意之難也偶讀祝芷塘一絕爲之莞然詞云自笑眉  
愁遞酒波厭厭長夜奈卿何摩登伽自無神咒不是阿  
難定力多

柳依依者乱仙也自言維揚女子歸方氏年才十八遇

亂被虜絕水漿七日誓死全貞竟得脫免書黃金縷一  
闕云身裏絮棉難着枕淡月補牕亂寫飛花影莫怪青  
春歸步繁枝頭杜宇聲聲請又書一絕云歸去虛空踏  
月行五銖衣重白雲輕自從飲得銀河水吐向毫端一  
色清

張若瀛詩好遊戲咏眼鏡云終日耳邊拉短絛何時鼻  
上卸長枷聞者皆笑贈兄竹杖云珍重提携竹一枝林  
筇也有化龍時須知手足關心切不待顛危始助持恰  
有意義眼鏡結句云天涯莫道無同調磨麴驢兒是一

家

真州方又暉春詞云鬢含蟬翼影依微酒暈紅潮落翠  
衣妬殺梁間新燕子同人只管學雙飛又暉少時絕美  
今鬢鬢矣以所懽讓人之者大啼春真強舌甘將喬木  
讓新鬢

湘潭張紫峴九賦年十三登采石太白樓作歌人呼太

白後身中有數聯云乾坤浩蕩日月白中有斯人容不  
得空攜駿馬五花裘調笑風塵二千石自從大雅久沉  
淪獨立寥寥今古春待公不來我亦云樓影蕭蕭愁殺  
人果有青蓮風味將發蓼城寄蔡芷衫云寒雲隨落葉  
渺渺上征衣淮水正東下離鴻猶北飛逢人得消息入



言言不六  
夢見依稀尺素聊憑寄梁園亦倦歸弟西征戰士云裏  
來馬革心原壯熏作檀香骨未枯昨夜魂隨驃騎出過  
河還殺五單于

陳豹竟有別業在廬江日小礫山莊破山結屋吟嘯其  
中作一聯云王伯輿終當爲情死孟東野始以其詩鳴  
山莊云薤草誅茅鳳嶺東幾灣流水小橋通慈菇葉潤  
簷牙雨煖稻花香屋角風不斷情根連理木暫羈行脚  
寄居蟲比鄰晨夕時相過桑柘陰間載酒筒

將軍魁林提兵塞外別其兄傳公云君去松林莫回首  
夕陽天外有孤鴻同年成城謫戍塞外寄詩家人云今

威縱有歸來日只恐人民半已非讀者皆爲愴然

山東道上妓女最多佳者絕少過客題詩壁上者亦多  
佳者亦少獨有無名氏末二句云最是低眉可憐處在  
山泉水本來清用心慈厚深得風人意旨

前朝山陰祁忠愍公

彪佳

少年美姿容夫人亦有國色

一時稱爲金童玉女後殉國難赴池而死余遊禹山爲  
公讀書之地遺像猶存園中竹上或題詩云孤忠願逐  
水波清聞說降幡豎石城龍種已潛寧惜死冠端坐  
儼如生一拳石聳含雲氣四頁堂開照月明今日豐碑  
傍古岸苔斑猶似舊縱橫末書嶽峰二字不知何人所

言言補遺  
作考又有無名氏在竹上刻三字云此人通

壬子三月余游石梁上方廣寺壁上有詩云萬山圍處  
泉聲急竹樹森森碧漢齊兩寺雲分峰上下一橋水并  
滴東西潭深白日雷霆起秋老蒼松鶴鶴棲欲向洞天  
尋舊迹未離塵網路多迷又五古一首太長不能備錄  
摘其尤佳者如人從澗底行步步踏泉脉岩同狻猊蹲  
怒欲攫人食幸憑腰脚健渾忘衣履濕雖非深冬時髮  
鬣飛殘雪未暑沃洲外史陸以誠題余歸後訪之方知  
新昌教官也悔過新昌竟未一訪

有醫者扇上畫李鐵拐求劉霞裳題劉調之日星冠霞

佩踏雲行足跛猶嫌路不平修到神仙無妙藥世間何處覓醫生

同年徐芷亭方伯荊州懷古云英雄爭戰幾時休巨鎮天開楚上游月夜與誰遊赤壁江山從古重荊州帆檣影帶巫陽雨草樹聲含鄂渚愁憑弔興亡已陳迹巖城畫角動人愁此詩通首雄偉而選越風者改第四句爲伯喆何處問孫劉是點金成鐵矣余嘗謂一切詩文總須字立紙上不可字卧紙上人活則立人死則卧用筆亦然徐之原句是立改句是卧識者辨之

青陽吳文簡公

名夔字七雲

錫老堂詩集半多應制之作其

佳者如雨花菴云黃花應笑客白髮未還家送徐澄齋  
出使琉球云嗣王冊命今三錫使者才名第一流金山  
云海氣籠天橫北固江濤捲雪走東洋

陳明經

長

字露書文簡公高弟也五溪云幾家帘影入

沽月一路鈴聲馬踏冰頗能得其師承

子臣弟友做得到便是聖人行止坐卧說得著便是說

詩余嘗過橋下則船篷便有須臾之黑上山轉幾個彎

則路便峻徐說若秀才有句云犬吠知逢市篷陰

橋又云但覺路幾曲不知身漸高只因新水綠愈覺夕

陽紅徐阻風燕子磯云隔澗歸來踏淺沙森森古木亂

啼鴉野人問我居何處笑指孤篷卽是家劉會咏雪云  
塔頂松尖消也未呼童先爲出門看皆眼前寔事而何  
以人不能道耶

真州太常卿施朝幹字鐵如與余有世誼自幼吟詩熟  
精文選千漢魏源流最爲淹貫聞曲云琵琶絃急對秋  
清彈出關山離別情借問黃河東去水幾時流盡斷腸  
聲真唐人高調也余尤愛其倚枕詩有平世受凡才五  
字真乃包括十七史試觀三國南北朝人才畧差一籌  
立形優拙何也用人之際那容濫竽不比太平時尸位  
者多也又有句云山水清音自幽獨英雄末路卽文章

言言不刊  
姜西溟老而未遇揆敘送行云青衫難作還鄉客白髮  
偏欺下第人姚啓聖尚書述懷云千里波濤孤枕上萬  
家饑溺夢魂中一悲一壯

麗川方伯和尚青邱梅花詩九首詩話第二卷中僅載  
數聯今見全璧爲再錄二首云枝頭何處認輕痕霜亦  
精神雪亦溫一逕曉風尋舊夢半林寒月失孤村吟情  
欲鏤冰爲句離恨應敲玉作魂寄語溪橋橋上客莫從  
香裏誤柴門點額誰教入漢宮凍雲合處路難通龐龐  
料照月疑路瓣瓣擊來雪又空無恙不隨流水去有香  
只在此山中松間竹外誰知己地老天荒玉一叢謝蘊

山觀銘種梅詩風謂亦與奇公相埒詞云修得多生到此花不分山聖與官衙惜春如命恒支俸種樹成圍便是家香色都空寒徹骨栽培要厚玉生芽他年留作甘棠愛何用詩籠壁上紗

紅粉能詩者多青衣能詩者最少近江寧陳方伯有侍者陳鵬投詩求見端午云羈遊當令節隨俗采蘭芽鑄盡平生錯飄零何處家吟看松雨細醉倚竹風斜插艾見時事而今兩鬢華又殘蟬過雨急疎磬度風遲亦五言佳句詢其踪迹故是舊家子弟

字儀庭號賓來武昌人也

金載蕤聚升昆季俱有清才載蕤燕子云呢喃似說絲



揚晴雙剪參差拂水輕銜得海棠花入壘畫梁紅雨落  
無聲聚升水烟云舟向小溪浮橫空練不收人喧知近  
岸鷓響辨行舟鳥去樓何處螢飛入遠流須與烟滅後  
明鏡一輪秋晚起云菜市聲喧眠最穩餅師叫過日將  
西小童已報黃梁熟倦倚藜牀聽烏啼一名忠鼎一名  
忠萃

余幼作無題詩云淚珠洗面將毫染詩句被灰和酒吞  
胡稚威見而賞之曰此少年頗有詩胆余自笑二句皆  
鑿空首句用李後主事尚可拉扯至次句則全是杜撰  
矣不料今年偶翻張泌妝樓記載姚月華女子慕楊達

之詩讀數過便燒灰和酒吞之謂之歛中散又牛應貞  
女夢裂書而食之每食一部則文體一變湯巨源序其  
集曰遺芳方知用典竟有無心而暗合者

鐵冶亭侍郎選長白山詩皆滿洲已故之人命余校勘  
余摘其句之佳者如國柱伊犁云舉頭惟有日過此便  
無關觀補亭保路行云雲氣常隨馬秋聲半在山冥心

契道妙謝客養苔痕福增格云陰厓春色滅廢寺夕陽  
多伊福訥云落葉聚空巷饑鳥投遠林繁音布云風定  
樹猶怒日高霜尚飛鄂文端云山果隨風墜秋花出葉  
開一枝立斜日滿園飛落花皆妙

冷亭侍郎典試江南先有人抄其兩絕句來云鎮日丹  
鉛笑味遑書生習氣總荒唐文魔字債輪番應客到時  
閒客去忙不信烟霞癖已成閒遊到處結鷗盟同行盡  
道山中好多少山人喜入城後冷亭入塲子開門放水  
菜時卽托監臨以詩幅見寄佳句如水落魚龍依岸近  
天高星斗上船紅秋懸野色明沙鷺天縱江聲到石頭  
愁裏逢春驚老至中年得女當兒看俱妙

夢謝山侍郎詩亦奇偉惜多累句田中年殂謝未盡其  
才故也惟廣武原一首最佳詞去秋高廣武原日落斷  
雲奔天地一龍鬪風塵千里昏平沙生朝氣殘壘駐征

魂撥馬等遺跡荒郊戰骨存

余與鰲滄來交好常許寄其會祖于襄勤公詩來而至  
未到余于白山詩選中得其登萬壽閣云古寺荒涼  
木平十年人到倍傷情滿城黃葉飛秋色虛閣寒瀟  
瀟雨聲賦稅何勞頓仰屋關山行看會休兵依然故國  
音書絕潦倒風塵白雁橫聞笛云縵繞飛空短笛聲高  
天露下共妻情愁來江漢入何處望裏關山月倍明萬  
里孤雲隨絕漠十年羸馬更長征誰知一曲終宵怨霜  
雪無端兩髮生二首皆唐音

英夢堂相公生有詩骨吐屬不同除夕云老趣隨時異

流光過眼非善忘心轉暇遲聽語因稀  
臘酒催拈管春燈照掩扉不干見輦事  
鞍馬六街飛出郊云隔宵意先樂今日  
出郊行風定有禽語雪消添雨聲當春  
山氣重入夜客身輕預擬重來日垂楊  
聽早鶯

德少司空

齡

在京師每見余詩必加稱許托張宏勛

棟

時時致意因隔內外城終不得一見近見其詩不在夢  
堂相公之下劍州道中云武連坡下亂烟生劍閣峰頭  
夕照明一鳥不喧寒瀨寂滿山黃葉馬蹄聲琉璃河口  
占云白髮蒼顏老侍臣又隨豹尾踏芳塵琉璃河畔珍  
珍柳應識三朝舊驛人

余與香岩遊天台小別湖樓已一月矣歸來几上堆滿  
客中來信花事都殘香豈有句云案前堆滿新來札墻  
角開殘去後花又別西湖云看來直似難忘友想去還  
多未了詩一片性靈筆能曲達

詩有寄托便佳管松年委牙落第咏梳妝云聞說梳妝  
要入時不嫌傅粉更塗脂寄聲魏國夫人道淡掃蛾眉  
恐不宜祝芷塘太史在焉安咏燕云野店江村少是非  
芹泥春暖試烏衣如何結楚紅襟燕但向雕梁高處飛  
小門生汪 咏蚊云乍停絛扇便成圖隱隱雷聲夜  
未闌漫道紗厨涼似水明中易逝暗中難

有人抄吳江三女詩來一

王素芬

夢蘭

宮詞云寂寞空

庭鎖綠苔長門何日爲君開淚珠滴地成鹽汁底事羊

車引不來宴罷臨春悵落暉名花無主自芳菲穿簾怕

見尋香蝶故向愁人作對兒袁湘佩夢蘭春闈云數竿

修竹傍溪栽零落殘紅帶雨開正是春愁無奈處賣花

聲過小橋來陸蘭垞

素心

卽事云曲折籬牆傍水開落

紅一雨點蒼苔芹泥滿地日初暖燕子一雙花外來更

有姚樓霞者幼卽能詩年十七而卒其父

燕

摘其詩中

燕剪剪春愁不剪翻含愁入小牕來之句抄存一冊名

曰剪春集晚涼云影移深處

亂雅啼目送殘陽漸漸低

江有意流涼月去雲無心却莫山樓寄懷鄰姊云秋老  
江關落木初登樓凝望渺恐余遙山雨洗螺痕淡只恐  
愁眉更不如臨終云永夜沉沉更漏遲無眠起坐強支  
持意中多少難言事盡在伏聲喚母時浮生修短總虛  
花幻迹拚歸夢裏家試問 砧前今夜月照人還得幾回  
斜他如黃梅云晴還疑雨昏昏過天亦如人黯黯愁皆  
係不祥之言

詩有天籟最妙尹似村偶成云嬌兒呼阿爺樹上捉蝴蝶  
老眼看分明霜粘一書葉陳竹士山中口占云酌酒  
松樹陰醉臥雲深處人眼雲不開松邊自來去



松江李視會刻其亡姊

銘心敬

及子婦歸懋儀

佩珊

二人詩號二餘集曹劍宇給諫爲之作序一銘嫁常熟  
歸氏早卒懋儀乃一銘所生仍歸李氏集中晚眺云垂  
柳斜陽外如眉媚態生一因憐雙黛薄羞對遠山橫懋儀  
贈玉亭四姑子歸云聞道雲英下九天翠蛾新掃倍生  
妍定知茂苑無雙士姑一即瑤華第一仙玉鏡曉妝花並  
笑金樽夜泛月同圓徵一即他日符佳夢應見雲芝苗玉  
田咏絮清才擬謝家神一于秋水貌爭花鷄晨間寢常攜  
手雨夜聯詩共品茶君一在瀟湘吟水月我歸江海玩煙  
霞萍踪重聚知何日回一自鄉關感歲華夜泊云曠野秋

清夜寂寥明星幾點望迢遙雙輪歷碌纔停響又向江  
頭聽暮潮送糧艘出海云無事量沙成萬斛但聞挾纜  
遍三軍雄偉絕不似閨閣語劍亭有女洪珍咏月中桂  
云萬古此秋色一天生異香亦有奇氣惜不永年

余第五女嫁六合汪氏家信來云松江廖織雲女史汪  
氏也索余詩話願來受業余問其門楣方知是合肥  
令廖古檀之女素以詩畫擅長嫁馬氏而寡古檀有盟  
香軒詩話故是風雅門風以畫冊見貽題白桃花云五  
更風雨惜禮春曉起香花爲寫真雙頰斷紅渾不語可  
憐最是息夫人杏花云社後春將闌風吹盡欲肥美人

簾外立初試水紅衣織雲札來云其表姊徐磬山 莊蕙  
亦工詩畫愛隨園詩有私淑之心何松江閩秀之多而  
老人佛緣之廣耶

自余作詩話而四方以詩來求入者如雲而至殊不知  
詩話非選詩也選則詩之佳者選之而已詩話必先有  
話而後有詩以詩來者千人萬人而加話者惟我一人  
搜索枯腸不太苦耶松江太守李寧圃先生寄三友人  
詩來余以此言復之而過後擷看見其佳者又不能自  
已錄張鳳揚 詩 夜泊云榜歌聲起欲黃昏初月微茫漏  
白痕小泊夜深燈火暗一叢林影數家村過商州云重

關已過數峯西繞盡羊腸踏盡梯滿耳水聲千澗出四

圍山色一城低李振聲

東阜

早發云宵征鷄未唱夢醒

客猶慵殘月留高樹深山隱曙鐘烟團鴉背重雪襯馬  
啼鬆漸覺晨光動郵亭過幾重舟中云暮烟入城郭燈  
火作依稀遠水啣天盡孤雲抱月飛簾涼知露重酒醒  
覺風微坐待東方白輕燒破浪歸

同年許紅橋

韻

謂余曰余在粵東有句云天低冬日猶

堪畏梅早春風不待催頗覺真切過儀真云蘆花兩岸  
白雁叫一天秋自謂佳矣偶見僧玉峯有句云蘆花兩  
岸白江水一天秋自愧不如僧之高渾又云有友呼僮

烹茶僮酣睡鷹聲喝之童驚撲地因得句云跌碎夢滿地五字奇險酷類長古

京口張石帆工詩尤善歌詩每詩成必拍板高吟聽者神移嘗與鮑步江論生平得意詩鮑以宿焦山對云水光終夜曉海氣不成秋張亦以宿焦山對云烟鳥去無盡風潮來不知

荆溪任綉懷

錦

者看紅葉云放棹西湖發浩歌詩情畫

意兩如何莫嫌秋老山容淡山到秋深紅更多結二句爲老年人吐氣

端陽水嬉姑蘇最盛千舡鱗列歌吹喧闐然嬉遊者意

不在龍舟也汪比部秀峯詩云煖日烘雲景物新衣香  
鬢影漾芳津少年綺扇蓬牕下不看龍舟只看人又夜  
半云半規明月印牕紗酒醒鄉思更覺賒堪笑西風無  
賴甚吹人殘夢落誰家秀峰婺州人生長杭州家素饒  
裕慕顧阿瑛徐良夫之爲人愛交名士少卽與吾鄉杭  
厲諸公交往晚刻木朝闈秀詩一百卷趙雲松贈詩云  
論交及見諸前輩刻集能傳衆美人

壬子春余在西湖徐謹菴

大樸

以詩來謁有佳句云燕

語只因尋舊燕驚啼却爲別春風自能免俗方知樂總  
不關心便是仙世間亦有閒于我江上輕雲水上鷗俱

可愛也又有陳春嘘景明府誦其寶石湖樓與明太守

夜飲云畫樓窈窕鏡波清良會無多趁晚晴北海有容

天下量西湖端爲我曹生梅花香泛杯中酒楊柳絲牽

醉裏情飲罷不須燒燭照卷簾春月萬山明

近得鄂筠亭敏守杭州修禊西湖詩首唱云修禊三春

好風花二月天黃堂無底事白髮有諸賢筆灑西湖水

花搖鷺嶺烟風光徵往事不減永和年一時作者如雲

四十年來風流敏絕今年余在湖樓招女弟子七人作

詩會太守明希哲先生傳從清波門打漿覓訪與諸女

士茶話良久知是大家闈秀與公皆有世誼乃留所坐

玻璃畫船繡褥珠簾爲羣女遊山之用而獨自騎馬還  
衙少頃遣人送華筵二席玉如意七枝及紙筆香珠等  
物分贈香閨爲潤筆一時紳士艷傳韻事以爲昔日鶴  
亭太守所未有也汪解元潤之夫人潘素心賦排律三  
十韻其畧曰欲話天台勝西湖折簡忙傳經來繡谷設  
帳指山莊雲母先生座金釵弟子行詞宗新染翰郡伯  
遠貽筐白壁光如許紅裙禮未將天當桐葉開閩四人  
登竹林狂來青畫舫玻璃嵌輕簪翡翠粧逍遙孤嶼外  
容與鬪橋旁送別憑圓月催歸帶夕陽千秋傳韻事佳  
話在錢塘孫臯使女雲鳳亦有羲之虛左推前輩坡老



留船泛夕暉之句太守有十二金釵能琴者名梧桐能  
詩者名袖香最小者名月心會前一日皆執贄余門

潘石舟明府素心女子之父也作官有惠政詩亦清逸  
摘其市居云人聲春社散月色夜航開鎮遠云頭纏白  
布苗人語馬踏黃花使者來貴陽云十五洞蠻依阿書  
八千里路召奢香吳山云江上風帆湖上酒總輸高頂  
坐觀人

吳下女子葛秀英字玉貞秦澹園整之燈室母夢吞梅  
花而生幼時有老尼見而驚曰此青元宮道貞女也勸  
其出家父母不許及長適秦秀才二年而卒年才十九

秦爲刻其澹雲樓詩春夜云碧羅衫子怯餘寒花向閒  
階帶月看我與嫦娥原約定不教辜負好闌干又有句  
曰人間盡是埋憂地除却蓬萊莫寄身味其詞其超凡  
而去宜也尤長于詞咏楊花減字木蘭花云柳棉如許  
攪碎春魂飄泊去風約萍開一半相逢在水涯漫天飛  
舞簾外斜陽黏忽住咏絮無才孤負東風爲送來聽雨  
桂殿秋云衣袂冷上高樓繁雲遮斷碧山頭小牕獨坐  
聽秋雨荷葉芭蕉各自愁

顏鑑堂

希傳

有百美新咏圖邵無恙

題

亦有歷代官闈

襍咏圖皆乞余爲序余衰老才盡作散駢兩體文以應

之錄卷中詩之有意趣者總題則呂燕昭云娉婷玉貌  
是耶非絕代風姿見亦稀我欲呼來談往事春風盡化  
彩雲飛孫方僅云天生佳麗盡堪傳遺臭流芳本較然  
漫說貞淫編失次新臺猶列柏舟前分題則鑑堂題楚  
蓮香云高捲湘簾出艷粧不關花氣自聞香蝶蜂也似  
纏頭客亂逐遊蹤上下狂薛瑤英云衣着龍綃穩稱身  
鳳鸞吟作滿堂春可知憔悴西秦道會有當時握手人  
無恙題啓母云候野歡歌謝未遑八年三過感臺桑宮  
闈欲換唐虞局生得佳兒嗣夏王妲已云百尺璇臺帝  
寵新叱鷄莫漫怨司晨宮中也愛諧樛木曾許宜生進

美人又咏朱希真云袖中空有生花鏤嘉耦常稀怨耦  
多咏魯仲子云倘教掌上文都有世上應無悞嫁人用  
意皆翻空出新又咏齊姜云伯業全開一醉中美人殺  
妾遣英雄如何盡逐羸隗返不見齊姜入晉宮余嘗疑  
晉文不迎齊姜猶漢高之不封紀信也恐姜竟先亡信  
或無子耶鑑堂官鹽大使蓋隱于下位者也與王錫天  
津分舟云甥舅欣同一葉舟涓陽往事記悠悠想因載  
得離情重故使分開兩處愁山塘驛云竹屋夜燈青山  
腮秋月白驛夫多故人笑認曾來客

女弟子金纖纖病起詩云碧梧移影上林扉西院無人

曉日微病起名香聞不得花間小立當熏衣

芷塘太史攜夫人及女公子掃外舅李鶴峯中丞之墓  
五律後四句曰女小隨娘拜爺言要汝聞生前多酌我  
莫把酒澆墳望雨云曉傍霞牕度綺朝夜寒月幌候清  
宵無端聽得蕭蕭響却是桐花滿院飄此二詩經許多  
詩流看過忽而不取余獨手錄之取其真而有味

洪雅存在史館得一詩人必通書相告今春盛稱蜀中

翰林張船山

問陶

才傲青田二鬼詩作兩生行送張

還蜀云一生居坊南一生住坊北車聲馬聲不得停十  
里路中常若織我馬見君馬鳴聲一何高君僮與我僮

望著手卽招我來時多子來少馬繫寺門僮醉倒青天  
如磨旋不休醉裏有時來壓頭心癡直欲走天外下瞰  
日月方開眸朝沾三升暮盈斗吸盡東西兩坊酒朝衣  
典盡百不憂尚有身上青羔裘一生皇然開笑口那著  
酒錢街上走一生無聊想更奇酒盡伏舐壚邊泥有時  
忽下牀有時忽出門人來雪裏衣盡白疑是送酒柴桑  
人幕天席地原無礙十萬人中兩人醉醉中分手亦不  
辭淚墮黃公酒壚內君不見長安莫復輕酒人酒人腹  
裏饒經綸容臍百輩等閒事爛醉尙復噓陽春一篇我  
作臨行曲馬帶離聲億欲哭從此長安少一坐酒星只

照南頭屋。瓶山答云：讀君兩生行，涕笑一時作。黑夜闔門讀不休，打牕奇鬼爭來攫。懷詩急走心茫然，遠登雲棧如登天。人言彼上卽吾上，藏詩可以經千年。莫驚鬼奪詩，我爲公呵護。且復立斯須，和此好詩去。是時下界冬已殘，風狂雪虐天漫漫。一生牽衣愁欲絕，一生和詩嘔出血。城南萬柳禿無枝，天詔酒星縮離別。重讀兩生行，如見兩生情。句句若吾語，大痛難爲贖。翩然一躍入杯底，繞地萬人呼不起。雙丁兩陸偏同時，萬古聲名今日始。酒星抱月來擲入，兩生杯兩生驚起。糟邱臺歡呼轟作隆冬雷，忽聞門外征馬語。兩僮泣下紛如雨，馬聲

高朗童聲低似訴，兩生離別苦。一生聞之悲，一生聞之喜。兩生悲喜人不知，天外浮雲地中水。君不見關天盤古氏，其情最可憐。九州莽莽無人烟，獨坐獨行一萬年。又不見上帝生平亦恣寂，舉酒招人人不得。九天費盡百神謀，僅奪唐朝一長吉。兩生把盞同軒眉，居然日日相追隨。一生偶送一生去，臨岐何必吞聲悲。我馬莫憐君馬獨，君儻莫向我儻哭雲。天萬里好聯吟，其把長空

當詩屋

閨秀金兌詩已采入詩話矣。今又寄其母毛仲瑛穀詩。來風格清老，足見淵源。有自新晴云，兩歇千林後，晴開



二月天斷霞明極浦新綠上平田野水失溪岸遠山橫  
暮烟忽聞高閣外幾樹已鳴蟬又春深云山矍矍夢破  
滿樹落花飄

余與吳門蔣元葵進士爲己未同年家業甚富而中道  
零落其子升吉人尤瀟灑長子填詞余到蘇州必主其  
家其第三女猶孩也後三十年族姪孫鴻魁寄其詩來

讀之不愧謝家風味落花云春夢無憑冷夕陽萬花飄  
落最堪傷馬嵬坡遠空垂淚金谷樓高柱斷腸吹去未  
能忘故態飛來猶自帶餘香東皇早去鉛華盡蜂蝶徒  
勞過粉牆寄蘭如姊云水國重陽近蒼涼院宇空千林

下四風念遠書難寄登高目易窮遙思故  
窗菊香滿小樓東送妹調賣花聲云剩得幾多春十二  
雕窗滿庭飛絮摻花茵添陣潏潏簾外雨深院黃昏獨  
坐掩重門愁倒芳樽便無離別也銷魂明日那堪南浦  
去又送行人

戊戌仲春西冷女子小卿同妹右卿將之楚再遇皖江  
泊大觀亭下小卿登亭賦詩右卿病不克偕倚枕而和  
錄稿于亭壁至今十餘年不知何家閨秀小卿云入楚  
才逢此壯觀春雲樹抄見朱欄空亭啼鳥山花早古殿  
無人暮雨寒正苦浮家弔湘水那能分淚寄長安

晴兒

官關中

小橋况復愁欹枕每到登臨放眼難右卿云晚  
泊蓬萊江上寒高亭烟樹雨初殘今朝萬壑雲中見昨  
日孤舟天際看小病支離空悵望何時風月倚關干片  
帆西去重回首寄語青山興未闌魯星村過而和云空  
亭遊覽尋常事不意香閨有二難

胡小霞者會稽女子名雲英嫁趙連城夫婦能詩誠婢  
云寶鴨篆烟消呼奴理茶具泥飲人未歸陳陣紗牕雨  
二十字中深情無恨歿後趙郎仿元相襟憶詩云孤燈  
破壁照黃昏白雨瀟瀟擾夢魂憶得夜深同倚檻花梢  
一捻尙留痕

余少時遊吳山見道士才八九歲踞案上與五六十翁  
下棋輒勝心怪而問之或曰此天生次國手也姓錢名  
選字仲舉此後余官京師與道士別六十餘年矣今年  
遊吳山道士亦白髮蒼蒼出詩見示寄張處士云聞說  
先生負郭居小橋曲港路何如稻花蟹大客常滿竹葉  
酒香詩有餘九月山中秋水落三年海上雁聲疎知君  
自是神仙裔何日來看玉局書有陳道士名真謙者來  
訪之贈句云花影不愁雙履破江光都被一牕收咏棋  
云始交猶兩立既接不俱生余謂此二道人俱善奕又  
工詩亦奇

西冷詩會有女弟子某國色也香岩必欲見之着家奴  
衣隨余轎步往值其病廢然而返後信來招我談詩香  
岩喜仍易服跟轎冒大雨走五里許值其家座上有識  
香岩者香岩望見大驚奔還衣服盡濕身陷坎窞乃賦  
詩自嘲云聽說凌波有洛神思量覲面喚真真誰知兩  
成虛往始信三生少夙因紅粉得知應笑我青衣着

不如人襄王那有陽臺夢空惹巫山雨一身

成入都猶及見中州少司農呂公

耀會長髯鶴立

爲正人後五十餘年公會孫仲篤來宰上元未

亦從介休來與余交好已采其詩入詩話

矣近又得仲篤登金山云山自中央出江從萬里來秋  
生楊子渡人上妙高臺鏡裏湖聲落金陵霽色開中冷  
泉莫辨汲取試螺杯泛舟城南云野水蒹葭外飄然一  
泛月波光凌日動人影帶烟流自得莊周意能消宋玉  
愁快談忘夜短長嘯入高秋二首皆不落宋元以後其  
他佳句如和樹村云三徑已荒虛北望片帆無恙喜南  
來寓齋卽事云汾水南來能到海華山西去欲齊天仲  
篤名燕昭

仲篤又有夜坐云秋入暮天碧衣沾白露冷不知山月  
高先見梧桐影筆意高超有羚羊挂角之意

恩怨二字聖人不諱故曰以直報怨以德報德是怨未嘗不報也漢蓋勳怨蘇正和後蘇受誣勳救之蘇因此來謝勳拒不見曰我爲國家非爲君也怨之如故使正和有當殺之罪勳必殺之不然如蘇模稜劉仁軌匿怨沽名豈正人哉偶讀奇麗川方伯題盧湘艇美人寶劍圖一絕不覺心花怒開詩云美人如玉劍如虹平等相看理亦同筆上眉痕刀上血用來不錯是英雄

凡地必須親歷方知書史之訛相傳禹王岫嶼碑在衡嶽者爲真余甲辰十月親至衡山之巔見山有粗石一塊長四尺許篆刻此文並非碑也且有斧鑿新痕轉不

如山下李邕所書蘇麓寺碑之古李碑雖斷背有豈數  
語百餘字如庭前無訟堂上有琴之句極古雅破明人  
以醜劣行書屬鏤其上殊可惡也相傳江西南昌城隍  
廟有吳王孫權銅鼎余親至鼎下觀之乃後五代楊氏  
太和年民間所鑄記姓名而已字陽文歪斜非孫權所  
鑄廣輿記載廣西桂林府開元寺有褚遂良金剛經碑  
余到寺相尋僅存焦土中屹然一碑乃後五代楚王馬  
殷之弟馬寶所書非褚公也字小楷亦不甚工又戴天  
台石梁長數十丈人不能過余往觀石梁長不滿三丈  
濶二尺厚二丈有餘山頂瀑布三條衝梁而下初行者



或未免目眩山僧及輿夫過往如飛檐尾有前明鄭純  
小銅殿一座高不滿七尺平平無奇石上鐫云冰雪三  
千丈風雷十二時二語殊切少陵詩稱若耶溪雲門寺  
布襪青鞋從此始似是一大名勝壬子三月余慕而往  
遊山在平地數峰高丈許溪流不及鏡湖深悔爲少陵  
詩所悞蓋少陵亦係耳聞並未親到也

和韻詩有因難而見巧者張止原居士在蘇州作白桃  
花詩第八句用今字韻一時和者數十人押今字無一  
佳者余亦知難而退不料劉霞裳和云劉郎去後情懷  
減不肯紅粧直到今余夸爲獨絕使作者不姓劉亦妙

而况其姓劉乎使不押今字恐反無此巧妙也顧伴蔡  
孝廉潤有句云化去蝶魂終帶粉重來人面竟消紅亦  
妙

沈謙之在蔣樹存先生家文燕坐客王虛舟杜雪川沈  
翰翁徐葆光等共七人沈有句云松老固應三徑在竹  
深只合七賢來中笏山在都中立春後三日與胡稚威  
周元木姚念茲等共十人小集申有句云春風簾外剛  
三日舊雨樽前恰十人

金陵有二詩入一蔡芷衫元春一燕山南以笏蔡專主

風格渾古燕專尚心思雕刻兩家不可偏廢也余偶作

消暑十二題和者甚多而讀山南詩爲之叫絕補竹云  
小樓西畔曲欄東新舊琅玕補幾叢天向墻頭加倍綠  
日從牖上不教紅有林便入真高士乍到還歌是醉翁  
畢竟心空能解事進門先帶一身風采蓮云兒女也知  
香解暑不爭蓮子只爭花辭客云就是嫦娥辭不去囑  
他來也要黃昏能句句不脫消暑二字如此構思李長  
吉真欲嘔出心頭血矣

一時同作者曹言路辭客云非關隱者逃名久惟恐耶  
官帶熱來把釣云胸無得失渾忘我影有浮沉一任他  
曝書云怡羨便使人矚腹郝隆止我善收藏金貂鵬辭

客云竹儘許看休問主座毋遠集致揮蠅陳文富補竹  
云忽看林外牕全隱似覺籬邊徑轉深羅香寔試香云  
風怕不來烟怕出湘簾捲處兩躊躇王光晨待月云莫  
怪嫦娥遲出海從來怕見早眠人俱妙

毛侯圓咏臨帖云牕開濃綠裡紙展硬黃時把釣云爲  
貪臨水去不羨得魚歸胸怡雲待月云疑有樹遮簾頂  
捲要迎風坐榻頻移曝書云開函忽見乾蝴蝶藏自何  
年記得無王孔翔待月云松徑日斜移榻早水亭燈上  
放簾遲岳蜀仁尤長于結句待月云徘徊不見姮娥面

樹密墻高最惱人把釣云忽見水中添一影始知客到

把頭回避蚊云營緣有隙爭先人鑽刺無功更亂誰遣  
是青蠅知去就不來水竹野人家

凡學琴者先和絃必彈仙翁二音山南有句云有缺未  
能成雅樂不修那得到仙翁正喻來寫一巧至此又有  
消寒九首余錄其袖手云嚴寒無事不踈阨有手難伸  
喚奈何伏案書頰將口搗吟詩墨亦倩人磨雖然善舞  
情都減未免勞觀事太多欲折梅花還忍俊空從樹  
一婆婆糊腮云驚舞小雲沙響醜替寒家事亦波小  
女戲將針刺破要從隙裏嗅梅花想背云晒倦坐燕頭  
近厭生寒愁把面朝天衰年自笑難撻荷梅影松痕壓

一肩余幼時畏冷以口揭書破先生呵責剛糊一牕破  
小妹以針刺破之山南詩真所以可愛

芷衫有少陵之風咏古道云九折原通蜀千盤復向秦  
可憐嘶老馬長此怨離人冰雪關河氣風塵閱歷身年  
年楊柳發猶自傍前津又古臺云項王空戲馬劉表但  
呼鷹古松云鶴巢知幾換龍氣欲盤空

丙辰余薦鴻詞入都宣州同徵士梅華谿

兆願

最爲交

好時先生年六旬而余才弱冠因先生投館于文穆公  
家以詩獻公蒙公獎許至今五十七年矣詩不省記其  
時所教文穆公子數人皆孩也其第八子鏗有兒名冲

者以詩文受業于余才氣橫溢常嫌其鴻文無範半年  
從新安歸以詩來學力大進蕪湖遇順風云江行已三  
日不遲亦不快知我將他行乃示神通大一聲天樂鳴  
波中高浪挾我凌長空不知兩岸孰鞭叱一齊倒走如  
飛龍洲渚玲瓏樹疎密層層遮抱如相恤好峯十里早  
揖迎轉瞬已嗟交臂失中流撫掌同笑歌天公今日賜  
太多我謝天公賜不領悞我好景當如何題畫云青峯  
如野人常愛擁簑笠蒼然翠滿身雲開影猶濕又佳句  
如心逐野僧依寺定夢如芳草入春多書聲出寺清于  
梵松影來牕信似潮俱佳

癸巳年余與蔣心餘金棕亭遊揚州建隆寺與老僧夢  
因分韻賦送春詩忽忽二十年矣猶記其探梅云扶筇  
踏遍千峯秀忽見谿梅橫數枝却怪天寒開未足想逢  
月閨故還遲深棲岩壑塵應遣歷盡水霜氣不衰花落  
漫隨流水去出山祇恐世人知登金山云一葉乘風白  
浪堆維舟獨上妙高臺亂雲時復生虛壁疑有蒼龍聽  
法來今年渡江與趙偉堂學博遊焦山見其徒孫巨超  
以詩見示追憶疇昔不覺懷愴蓋儒釋三人都已化去  
而巨超詩筆情超想見宗風見贈云廿年前遇古邗溝  
復見雙峯雪滿頭天下驪壇名獨占越中山水屐重遊



詩成只恐蛟龍聽事往空驚歲月流  
相約黃梅時雨節  
攜筇還上竹間樓  
山居云簾捲西風雨乍晴  
閒凭小閣聽流鶯  
白雲無事長來往  
莫怪山僧不送迎  
其他斷句則一條簾捲  
窗前月幾點星搖  
樹裡天露濃疑是  
雨花墜不因風

巨超之外又有僧碧岩悟霈者  
柳枝詞云春風遊子唱離歌  
楊柳其如送別何畢竟不知攀折  
苦長條更比去年多  
海雲樓坐雨云曉來細雨落  
潮初閒客江城興豈孤  
隔院漏聽蓮葉轉壓欄花倩  
竹枝扶山亭銘碣殘餘  
晉海國風濤怒入吳  
不是陰霾阻歸棹  
何能信宿此蓬

壺

焦山釋擔雲海鹽人能詩初至焦山謂人曰此我舊居之地人不之信後遊五州山見壁間宋故宫詩云玉殿塵埋王氣終鳳凰已去鳳林空西湖歌舞浮雲外南渡江山落照中古寺有僧吟夜月野花無主泣春風劫灰五百餘年後暮草荒烟思不窮曰我之舊作也山僧驚異告曰此焦山僧卽月之詩寂去已三十三年矣其風度語言與君相似後示寂焦山枯木堂詩稿散失

圓津菴在河南內邱縣南官道旁康熙間呂光祿謙恒曾過其菴題詩云花界濃陰日影微倦途偶憩發清機

長松匝院僧初鉢曲磴環亭鳥自飛廿載重來如有悟  
百年強半漸知非路旁車馬勞勞者磅礪誰能一解衣  
後其子耀曾奉命使黔又題詩云昔侍嚴親此地過重  
來風木恨如何隨行人憶當年少相去時驚廿載多戶  
外松陰仍霽屨籬籬邊菊影自婆娑追思往事渾如夢敢  
以皇華續蓼莪乾隆甲申其孫燕昭赴河南過其菴見  
壁上墨跡猶新和云驛柳參差曉翠勻尋幽蕭寺不辭  
頻非關此地林泉勝猶見先人手澤新風木興懷追往  
事鶯花如舊正陽春他年重過長安道取次紗籠拂壁  
塵事隔百年詩題三代亦德門佳話也

香亭癸未同年太常寺少卿戴

字 張 塘

送徐漑餘夏

渠莊赴伊犁云朝衫乍脫理征軺惜別無端折柳條廊  
望方期借出谷壯遊何意遠題橋路逾葱嶺書憑雁人  
到榆關學射雕回首槐陰同調盛晨星細數最魂消香  
亭稱其音節近唐人爲余誦之

觀補亭總憲保與弟德定圍尙書

保

昆季皆丁巳翰林

前余一科觀督學皖江適余宰江寧每秋闈到省必長  
夜深談余服其明達有古大臣風最以尹文端公而先  
生意猶未愜其胸襟可想德公少余一歲風采奕奕都  
門別後十餘年丁丑 天子南巡余以迎 駕故握手



鴛鴦孫陽伯樂頗堪千里而其心終在深山大澤間後  
果如其言

白下布言張士堂字月樓咏七夕云聞說今宵會女牛  
多情我代數更籌不知自嫁天孫後此是千秋第幾秋  
銀漢迢迢月影橫人間天上不分明如何際此團圓樂  
不聽雲中笑語聲張道渥司馬亦有句云待無天地緣  
方盡修到神仙會也難

京口詩人皆奉夢樓先生之教詩多清雅有世子申生  
小心精潔之意高君青士風雅妍靜耽于道教而性愛  
吟詩近亦出余門下過蘭若看菊云秋事在僧房詩人

覓晚香沉沉三逕月淡淡一庭霜地僻宜花瘦僧閒笑  
蝶忙東籬莫漫採留取作重陽淨慈寺訪超塵上人云  
湖灣凡幾曲幽折到南屏蘿暗欲無路松陰落滿庭自  
縫雲水衲手寫妙蓮經一笑相逢處前山烟靄青又澗  
寒響逼歌喉細茶煖香分酒色濃竹影暗移僧舍午水  
聲涼送客衣秋亦佳句也

壬子余因相士之言不驗重遊天台舟泊燕子磯遇唐

柘田明府

仁楮

談詩竟日將坐船讓我已換小舟尾

子而行別後見寄云神仙劫後百無憂風雨橫江放胆  
遊公借僕舡僕借福大家安穩到瓜洲支筇重到女仙

家笑殺桃源洞口花劉阮有知應慙羨輸公兩度喫胡麻

生面果能開一代古人原不佔千秋此余贈趙雲松詩也作宦不曾逾十載及身早自定于秋此雲松見贈詩也近至揚州書院見壁上有秀才吳楷集余第一句配趙之第二句作對聯贈掌教雲松天然雅切聞吳君亦美少年惜其病未得一見

近日山西多詩人余已將何劉兩公詩載八續同人集矣今又有胥明府諱

編武

者讀小倉山房文集見寄云

不爲韓柳不歐蘇真氣行間辟萬夫所說盡如人意有



此才豈但近時無掃除理障言皆物游戲文心唾亦珠  
嘉是名山藏未得傳抄今已遍寰區聲名在世任排排  
自擅千秋著述才天爲斯文留此老我思親炙待將來  
風迴海上波爭立春到人間花怒開比擬先生一枝筆  
迂儒秃管枉成堆

署江寧令汪君

蒼霖

常爲枚道某藩瑤華主人之賢能

詩工畫愛士憐才惜枚路遠年衰不及見天人眉宇爲  
今生恨事忽慶大司馬推以聽泉圖屬題展卷見其畫  
筆高妙直逼雲林詩亦唐人高調其詞曰主人愛幽僻  
坐石聽鳴泉入耳宛寂若會心應冷然屬余爲寫照結

想羲皇前衣箱靜以古骨相清且妍胸襟澹秋水氣卑  
和春烟寫來奈筆拙布置慚周全拈花眼前理指月座  
中禪似聞空際音朱琴彈古絃臨流發深省聽響通眞  
詮何必奏絲竹卽景眞美仙嘗問謝幼與合置邱壑間  
君兼知仁樂而藉圖畫宣我性本疎曠山水思翻便安  
得常衣歌同樂堯時天

隨園詩話補遺卷五終